



«Այդի Բանկի հաշվարկային

տոկոսադրույք» (ԱԲՀՏ)

Հաստատված է

«Այդի Բանկ» ՓԲԸ ակտիվների և պարտավորությունների կոմիտեի
2022 թվականի մայիսի 30-ի թիվ 67 արձանագրությամբ

Ուժի մեջ է մտնում 01/07/2022թ.

Արժույթ	ԱԲՀՏ	Ուժի մեջ է մինչև
ՀՀ դրամ	10.1%	31/12/22
ԱՄՆ դոլար	4.1%	31/12/22
Եվրո	2.4%	31/12/22

«Այդի Բանկ» ՓԲԸ-ի կողմից լողացող տոկոսադրույքների սահմանման համար հիմք հանդիսացող
հաշվարկային տոկոսադրույքի սահմանման

Գլուխ 1. Նպատակը

1. Սույն մեթոդաբանության նպատակն է սահմանել «Այդի Բանկ հաշվարկային տոկոսադրույքի» (այսուհետ՝ ԱԲՀՏ) հաշվարկման կարգը, որի կիրառումը հնարավորություն կտա հաճախորդներին տրամադրելու երկարաժամկետ վարկային միջոցներ և միևնույն ժամանակ զսպելու Բանկի ակտիվների և պարտավորությունների ժամկետային ռիսկը՝ պայմանավորված տոկոսադրույքների հնարավոր փոփոխությամբ:

Գլուխ 2. ԱԲՀՏ-ի հաշվարկման կարգը և բաղադրիչները ըստ արժույթների

2. ԱԲՀՏ-ի հիման վրա կարող են սահմանվել Բանկի սեփական ռեսուրսներով ՀՀ դրամով, ԱՄՆ դոլարով և Եվրոյով տրամադրվող վարկերի համար բազիսային տոկոսադրույքներ:
3. ՀՀ դրամի, ԱՄՆ դոլարի համար հաշվարկվող **ԱԲՀՏ`**

ԱԲՀՏ = ՄԿՏ

Որտեղ`

• **ՄԿՏ** – ՀՀ Կենտրոնական բանկի կողմից հրապարակվող առևտրային բանկերի կողմից ֆիզիկական և իրավաբանական անձանցից ներգրավված «մեկ տարուց ավելի» ժամկետով ավանդների միջին կշռված տոկոսադրույքն է համապատասխան արժույթի համար` կլորացնելով ստորակետից հետո մինչև 1 /մեկ/ թվի ճշտությամբ:

«**ՄԿՏ**» հրապարակվում է Կենտրոնական բանկի պաշտոնական կայքէջի [«Դրամավարկային և Ֆինանսական վիճակագրություն» բաժնում](https://www.cba.am/am/SitePages/statmonetaryfinancial.aspx) (<https://www.cba.am/am/SitePages/statmonetaryfinancial.aspx>):

4. Եվրոյի համար հաշվարկվող ԱԲՀՏ`

ԱԲՀՏ = ԵՄՏ

Որտեղ`

• **ԵՄՏ** – ՀՀ Կենտրոնական բանկի կողմից հրապարակվող առևտրային բանկերի կողմից ֆիզիկական և իրավաբանական անձանցից ներգրավված «մեկից հինգ տարի» ժամկետով ավանդների միջին տոկոսադրույքն է Եվրո արժույթի համար` կլորացնելով ստորակետից հետո մինչև 1 /մեկ/ թվի ճշտությամբ:

«**ԵՄՏ**» հրապարակվում է Կենտրոնական բանկի պաշտոնական կայքէջի [«Դրամավարկային և Ֆինանսական վիճակագրություն» բաժնում](https://www.cba.am/am/SitePages/statmonetaryfinancial.aspx) (<https://www.cba.am/am/SitePages/statmonetaryfinancial.aspx>):

Գլուխ 3. ԱԲՀՏ-ի սահմանումը և կիրառումը

5. ԱԲՀՏ-ն Բանկի կողմից սահմանվում է տարեկան երկու անգամ` մայիս և նոյեմբեր ամիսներին` հիմք ընդունելով ՀՀ Կենտրոնական բանկի և Եվրոպական կենտրոնական բանկի կողմից հրապարակված տվյալ ամսվան նախորդող ամենաթարմ համապատասխան տոկոսադրույքները:



6. ՀՀ կենտրոնական բանկի կողմից առևտրային բանկերի կողմից ֆիզիկական և իրավաբանական անձանցից ներգրավված «մեկ տարուց ավելի» ժամկետով ավանդների միջին կշռված տոկոսադրույքը 6 ամսվա ընթացքում չհրապարակելու դեպքում ՀՀ դրամի և ԱՄՆ դոլարի համար

ԱԲՀՏ-ի հաշվարկը կկատարվի հետևյալ կերպ.

$$\text{ԱԲՀՏ} = \text{ՄԿՏ}^* + \text{ճշգրտող գործակից}$$

Որտեղ՝

• **ՄԿՏ*** - ՀՀ Կենտրոնական բանկի կողմից հրապարակվող առևտրային բանկերի կողմից ֆիզիկական և իրավաբանական անձանցից ներգրավված «181 օրից մինչև 1 տարի» ժամկետով ավանդների միջին կշռված տոկոսադրույքն է համապատասխան արժույթի համար՝ կլորացնելով ստորակետից հետո մինչև 1 /մեկ/ թվի ճշտությամբ:

«**ՄԿՏ***» հրապարակվում է Կենտրոնական բանկի պաշտոնական կայքէջի [«Էրամավարկային և ֆինանսական վիճակագրություն» բաժնում](https://www.cba.am/am/SitePages/statmonetaryfinancial.aspx) (<https://www.cba.am/am/SitePages/statmonetaryfinancial.aspx>)

• **ճշգրտող գործակից** - այլընտրանքային լողացող տոկոսադրույքի անցնելու պահին նախորդող ժամանակահատվածի դրությամբ «ՄԿՏn-m - ՄԿՏn-m*» մեծություն, որտեղ՝ - **n-ը**՝ այլընտրանքային լողացող տոկոսադրույքի անցնելու պահին է, - **m-ը**՝ այլընտրանքային լողացող տոկոսադրույքի անցնելու պահին նախորդող ժամանակահատվածն է, որի ժամանակ հրապարակվել են վերոնշյալ տոկոսադրույքները, • Ի դեպ ճշգրտող գործակիցը հաշվարկվում է միայն այլընտրանքային լողացող տոկոսադրույքին անցնելու պահին և ֆիքսվում որպես հաստատուն մեծություն՝ այլընտրանքային լողացող տոկոսադրույքի կիրառման ընթացքում:

7. ՀՀ կենտրոնական բանկի կողմից **Եվրո արժույթով** տոկոսադրույքը 6 ամսվա ընթացքում

չհրապարակելու դեպքում Եվրոյի համար ԱԲՀՏ-ի հաշվարկը կկատարվի հետևյալ կերպ. **ԱԲՀՏ =**

$$\text{ԵՄՏ}^* + \text{ճշգրտող գործակից}$$

Որտեղ՝

• **ԵՄՏ*** - հաշվարկվում է հետևյալ կերպ՝ 50% ESTR կամ €STR (euro short-term rate) + 50% ԱՄՆ դոլարի համար հաշվարկվող ԱԲՀՏ

• **ESTR կամ €STR** - Եվրոպական կենտրոնական բանկի կողմից հրապարակվող Եվրոյով օվերնայթի փաստացի տոկոսադրույքն է, որն իրենից ներկայացնում է միջազգային շուկայում Եվրոյով օվերնայթների փաստացի գործարքների միջին կշռված տոկոսադրույքը՝ կլորացվում է ստորակետից



հետո մինչև 1 /մեկ/ թվի ճշտությամբ: • «ESTR» հրապարակվում է Եվրոպական կենտրոնական բանկի պաշտոնական կայքէջի «Ֆինանսական շուկաներ և տոկոսադրույքներ» բաժնում: (www.ecb.europa.eu/stats/financial_markets_and_interest_rates/euro_shortterm_rate/html/index.en.htm):

• **Ճշգրտող գործակից** – այլընտրանքային լողացող տոկոսադրույքի անցնելու պահին նախորդող ժամանակահատվածի դրությամբ «**ԵՄՏn-m** – **ԵՄՏ* n-m**» մեծություն, որտեղ՝ **n** – այլընտրանքային լողացող տոկոսադրույքի անցնելու պահն է, **- m** – այլընտրանքային լողացող տոկոսադրույքի անցնելու պահին նախորդող ժամանակահատվածն է, որի ժամանակ հրապարակվել են վերոնշյալ տոկոսադրույքները, • Ի դեպ ճշգրտող գործակիցը հաշվարկվում է միայն այլընտրանքային լողացող տոկոսադրույքին անցնելու պահին և ֆիքսվում որպես հաստատուն մեծություն՝ այլընտրանքային լողացող տոկոսադրույքի կիրառման ընթացքում:

8. ԱԲՀՏ-ն փոփոխվում է այն դեպքում, եթե ԱԲՀՏ հիմքում ընկած տոկոսադրույքը՝ Բանկի կողմից հրապարակած նախորդ ԱԲՀՏ ցուցանիշի հիմքում դրված տոկոսադրույքի համեմատ փոփոխվել է 1% և ավելի տոկոսային կետով՝ ՀՀ դրամի համար ու 0.5% և ավելի տոկոսային կետով՝ ԱՄՆ դոլարի և Եվրոյի համար: